



07209

古文奇賞卷之六

西漢應制之文

公孫弘答武帝冊書

武

愚臣淺薄安敢比材於周公雖然愚心曉然見治道之可以然也夫虎豹馬牛禽獸之不可制者也及其教馴服習之至可牽持駕服唯人之從臣聳採曲木者不累日銷金石者不累月夫人之于利害好惡豈比禽獸木石之類哉基年而變臣弘尚竊遲之帝問弘稱

周公之治弘之材能自視孰與周公賢

古文奇賞 卷之六

東方朔化民有道對

龍莊語若

堯舜禹湯文武成康上古之事經歷數千載尚難言也臣不敢陳願近述孝文皇帝之時當世耆老皆聞見之貴為天子富有四海身衣弋綈足履革屨以韋帶劍莞蒲為席兵木亾刃衣縵亾文集上書囊以為殿帷以道德為麗以仁義為準於是天下望風成俗昭然化之今陛下以城中為小圖起建章左鳳闕右神明號稱千門萬戶木土衣綺繡狗馬被績罽宮人簪瑋瑁垂珠璣設戲車教馳逐飾文采鼓珍怪撞萬石之鐘擊雷霆之鼓作俳優舞鄭女上為淫侈如此



而欲使民獨不奢侈失農事之難者也。陛下誠能用臣朔之計，推甲乙之帳，燔之於四通之衢，却走馬，示不復用，則堯舜之隆，宜可與比治矣。易曰：正其本，萬事理。失之毫釐，差以千里。願陛下留意察之。

東方朔劇武帝對

自唐虞之隆，成康之際，未足以諭當世。臣伏觀陛下功德，陳五帝之上，在三王之右，非若此而已。誠得天下賢士，公卿在位，咸得其人矣。譬若以周召爲丞相，孔丘爲御史大夫，太公爲將軍，畢公高拾遺於後，弁嚴子爲衛尉，臯陶爲大理，后稷爲司農，伊尹爲少府。

古文奇賞 卷之六

子贛使外國，顏闕爲博士，子夏爲太常，益爲右扶風，季路爲執金吾，契爲鴻臚，龍逢爲宗正，伯夷爲京兆，管仲爲馮翊，魯般爲將作，仲山甫爲光祿，申伯爲太僕，延陵季子爲水衡，百里奚爲典屬國，柳下惠爲大長秋，史魚爲司直，蘧伯玉爲太傅，孔父爲詹事，孫叔敖爲諸侯相，子產爲郡守，王慶忌爲期門，夏育爲鼎官，羿爲旄頭，宋萬爲式道候。

東方朔劇羣臣對

臣觀其兩齒牙，樹頰，胘吐脣，吻擢項，頤結股，腳連脰，尻遺蛇，其迹行步，偶旅。臣朔雖不肖，尚兼此數子者。

補籍

不可一朝
出入

東方朔伯夷叔齊對

臣聞賢者居世與之推移不凝滯於物彼何不升其堂飲其漿泛泛如水中之鳧與波俱遊天子轂下可以隱居何自苦于首陽上喟然句奇

嚴安言世務書

臣聞鄒子曰政教文質者所以云救也當時則用過則舍之有易則易之故守一而不變者未賂治之至也今天下人民用財侈靡車馬衣裘宮室皆競修飾調五聲使有節族雜五色使有文章重五味方丈於前以觀欲天下彼民之情見美則願之是教民以侈

古文奇賞

卷之六

三

縱筆寫去
略不事經
前而奇氣
自躍如○
臣聞鄒子
至和之至
在太史公
節之

羅世於朝
聖

也侈而亾節則不可贍民離本而微末矣末不可徒得故縉紳者不憚爲詐帶劔者夸殺人以矯奪而世不知媿故奸軌浸長夫佳麗珍怪固順於耳目故養失而泰樂失而淫禮失而采教失而僞僞采淫泰非所以範民之道也是以天下人民逐利亾已犯法者衆臣願爲民制度以防其淫使貧富不相耀以和其心○心○既○和○平○其○性○恬○安○恬○安○不○營○則○盜○賊○銷○盜○賊○銷○則○刑○罰○少○刑○罰○少○則○陰○陽○和○四○時○正○風○雨○膏○艸○木○暢○茂○五○穀○蕃○熟○六○畜○遂○字○民○不○夭○厲○和○之○至○也○臣○嘗○周○有天下其治三百餘歲成康其隆也刑措四十餘年

而不用及其哀也亦三百餘年故五伯更起五伯者
常佐天子興利除害誅暴禁邪匡正海內以尊天子
五伯既沒賢聖莫續天子孤弱號令不行諸侯恣行
強陵弱衆暴寡田常篡齊六卿分晉竝爲戰國此民
之始苦也於是疆國務攻弱國修守合從連衡馳車
轂擊介冑生蟣民亾所告愬及至秦王蠶食天下
并吞戰國稱號皇帝一海內之政壞諸侯之城銷其
兵鑄以爲鐘虜示不復用元元黎民得免於戰國逢
明天子人人自以爲更生鄉使秦緩刑罰薄賦斂省
繇役貴仁義賤權利上篤厚下佞巧變風易俗化於

古文奇賞

卷之六

四

左美實禍

海內則世世必安矣秦不行是風而修其故俗爲智
巧權利者進篤厚忠正者退法嚴政峻調諛者衆日
聞其美意廣心軼欲肆威海外乃使蒙恬將兵以北
攻胡辟地進境戍於北河飛芻輓粟以隨其後又使
尉佗屠睢將樓船之士攻越使監祿鑿渠運糧深入
越越人遁逃曠日持久糧食乏絕越人擊之秦兵大
敗秦乃使尉佗將卒以戍越當是昔秦禍北構於胡
南挂於越宿兵無用之地進而不得退行十餘年丁
男被甲丁女轉輸苦不聊生自經於道樹死者相望
及秦皇帝崩天下大畔陳勝吳廣舉陳武臣張耳舉

趙項梁舉吳田儋舉齊景駒舉郢周市舉魏韓廣舉
燕窮山通谷豪士並起不可勝載也然本皆非公侯
之後非長官之吏也尺寸之執起閭巷杖棘矜應
皆而皆動不謀而俱起不約而同會讓長地進于乎
伯王豈教使然也秦貴爲天子富有天下滅世絕祀
植明允審勢本此者窮兵之禍也故周失之弱秦失之強不變之患也
今欲招南夷朝夜郎降羌燹略葦州建城邑深入匈
奴燔其龍城議者美之此人臣之利非天下之長策
也今中國亡狗吠之警而外累於遠方之備靡敵國
家非所以子民也行亡窮之欲甘心快意結怨於匈

古文奇賞 卷之六

奴非所以安邊也禍結而不解兵休而復起近者愁
苦遠者驚駭非所以持久也今天下鍛甲砥劔矯箭
控弦轉輪軍糧未見休昔此天下所共憂也夫兵久
而變起事煩而慮生今外郡之地或幾千里列城數
十里形束壤制旁脅諸侯非公室之利也上觀齊晉之
所以亡者公室卑削六卿大盛也下覽秦之所以滅
者嚴法刻深欲大無窮也今郡守之權非特六卿之
分凡重也地幾千里非特閭巷之資也甲兵器械非特棘

矜之用也以遭萬世之變則不可稱諱也
徐樂文大率本過秦
論來西漢人亦
尚歸製可異也

或卿大夫或不信陰陽薄而小之此陽朔初詔也

古帝王以功舉賢則萬化成瑞應著末世以毀譽取人故功業廢而致災異宜令百官各試其功災異可息。

申屠剛賢良策

平

臣聞王事失則神祇怨怒奸邪亂正故陰陽謬錯此天所以譴告王者欲令失道之君曠然覺悟懷邪之臣懼然自刻者也今朝廷不考功校德而虛納毀譽數下詔書張設重法抑斷誹謗禁割論議舉之重者暴秦乃至腰斬傷忠臣之情挫直士之銳殆垂建進善之

帝釋女因詔朕族詔出後宮詔似可有為故策中答孫傳焉

古文奇賞 朱之不

六

旌縣敢諫之鼓闢四方之路明四目之義也臣聞成王幼少周公攝政聽言下賢均權布寵亾舊亾新唯仁是親動順天地舉措不失然近則召公不悅遠則四國流言夫子母之性天道至親今聖主幼少始免襁褓卽位以來至親分離外戚杜隔恩不得通且漢家之制雖任英賢猶援姻戚親疏相錯杜塞間隙誠所以安宗廟重社稷也今馮衛亾舉久廢不錄或處窮僻不若民庶誠非慈愛忠孝承上之意夫爲人後者自有正義至尊至卑其執不嫌是以人亾賢愚莫不怨奸臣賊子以之爲便不諱之變誠難其處今之

保傅非古之周公。公至聖，猶尚有累，何況事失其衷，不合天心者哉。昔周公先遣伯禽守封於魯，以義割恩，寵不加後，故配天郊祀三十餘世。霍光秉政，輔翼少主，修善進士名，爲忠直而尊其宗黨，摧抑外戚，結貴據權，至堅至固，終沒之後，受禍滅門。方今師傅皆以伊周之位，據賢保之任，以此思危，則功何不至。不思其危，則禍何不到。損益之際，孔父攸歎，持滿之戒，老氏所慎。蓋功冠天下者不安，威振人主者不全。今承衰亂之後，繼重敝之世，公家居竭，賦歛重數，苛吏奪其時，貪夫侵其財，百姓困乏，疾疫天命，盜賊羣

輩且以萬數，軍行衆止，竊號自立，攻犯京師，燔燒縣邑。至乃訛言積弩入宮，密衛驚思，自漢興以來，誠未有也。國家微弱，奸謀不禁，六極之效，危於累卵。王者承天順地，典爵主刑，不敢以天官私其宗，不敢以天罰輕其親。陛下宜遂聖明之德，昭然覺悟，遠迷帝王之迹，近遵孝文之業，差五品之屬，納至親之序，亟遣使者徵中山太后，置之別宮，令時朝見，又召馮衛、族裁與冗職，使得執戟親奉宿衛，以防未然之符，以抑患禍之端，上安社稷，下全保傅，內和親戚，外絕邪

魏無知薦陳平

高

臣所言者能也。陛下所問者行也。今有尾生孝已之
行。而無益于勝負之數。陛下何暇用之乎。楚漢相距。
臣進奇謀之士。願其計成。足以利國家不耳。且盜嫂
受金。又何疑乎。

公孫弘請廣賢才議

武

弘賢良策
口使遠近
情偽必見
於上謂之
術。弘常
云人主患

謹與太常臧博士平等議曰。聞三代之道。鄉里有孝
夏曰校。殷曰序。周曰庠。其勸善也顯。之朝廷其懲惡
也加之刑罰。故教化之行也。建首善自京師始。由內

古之育賞

卷之六

八

不廣大人
臣患不節
餘觀此等
條議亦非
庸流

所謂即漢
尊經師也

及外今陛下昭至德開大明配天地。本人倫勸學修
禮崇化厲賢。以風四方。太平之原也。古者政教未洽
不備其禮。請因舊官而興焉。為博士官。置弟子五十
人。復其身。太常擇民年十八已上。儀狀端正者。補博
士。弟子郡國縣道邑有好文學。敬長上。肅政教。順鄉
里。出入不悖。所聞者。令相長丞。上屬所二千石。二千
石謹察可者。當與計偕。詣太常得受業。如弟子。一歲
皆輒試。能通一藝以上。補文學。掌故。缺其高第。可以
為郎中者。太常籍奏。即有秀才異等。輒以名聞。其不
事學。若下材。及不能通一藝。輒罷之。而請諸不

罰臣謹案詔書律令下者。明天人分際。通古今之義。文章爾雅。訓辭深厚。恩施甚美。小吏淺聾。不能究宣。無以明布諭下。治禮次治掌故。以文學禮義爲官。遷留滯請選擇。其秩比二百石以上。及吏百石通一藝以上。補左右內史。大行卒史比百石。已下補郡太守。卒史皆各二人。邊郡一人。先用誦多者。若不足。乃擇掌故。補中二千石。屬文學掌故。補郡屬。備員請著功。令佗如律令。

有司不舉孝廉罪議

古者諸侯貢士壹。適謂之好德。再適謂之賢賢。三適

古文奇賞 卷之六

九

謂之有功。乃加九錫。不貢士壹。則黜爵。再則黜地。三則黜爵地畢矣。夫附下罔上者。死。附上罔下者。刑。與聞國政而無益於民者。斥在上位而不能進賢者。退。此所以勸善黜惡也。今詔書昭先帝聖緒。令二千石舉孝廉。所以化元元。移風易俗也。不舉孝。不奉詔。當以不敬論。不察廉。不勝任也。當免。

張敞自請治盜賊書

宣

臣聞忠孝之道。退家則盡心於親。進宦則竭力於君。夫小國中。君猶有奮不顧身之臣。况於明天子乎。今陛下遊意於太平。勞精於政事。疊疊不舍。晝夜羣臣。

有司宜各竭力致身山陽郡戶九萬三千口五十萬
以上訖計盜賊未得者七十七人它課諸事亦略如
此臣敢愚驚既無以佐思慮久處間郡身逸樂而忘
國事非忠孝之節也伏聳膠束勃海左右郡歲數不
登盜賊並起至攻官寺篡囚徒搜市朝劫列戾吏失
綱紀奸軌不禁臣敢不敢愛身避死唯明詔之所處
願盡力摧挫其暴虐存撫其孤弱事卽有業所至郡
條奏其所由廢及所以興之狀

魏相請尊張安世封事

聖王褒有德以懷萬方顯有功以勸百僚是以朝廷

一 文 齊 賞 卷 之 六

神國家重
臣一議豈
有闕免如
兒戲者

昭帝封詔
曰輔政宿
衛肅敬不
怠十有三
年咸以康
寧封爲富
平侯

尊榮天下鄉風國家承祖宗之業制諸侯之重新失
大將軍空宣章盛德以示天下顯明功臣以填藩國
毋空大位以塞爭權所以安社稷絕未萌也車騎將
軍安世事孝武皇帝三十餘年忠信謹厚勤勞政事
夙夜不怠與大將軍定策天下受其福國家重臣也
宜尊其位以爲大將軍毋令領光祿勳事使專精神
憂念天下思惟得失安世子延壽重厚可以爲光祿
勳領宿衛臣

蕭望之請選用諫臣疏

陛下哀愍百姓恐德化之不究悉出諫官以補郡吏

所謂憂其末而忘其本者也。朝臣爭臣，則不知過國。臣達士，則不聞善。願陛下選明經術，溫故知新，通於幾微，謀慮之士，以爲內臣，與參政事。諸侯聞之，則知國家納諫，憂政。臣有闕遺，若此，不怠成康之道，其庶幾乎外郡不治，豈足憂哉。

劉更生使人上事

元

竊聞故前將軍蕭望之等皆忠正，臣私欲致大治，忤於貴戚尚書，今道路人聞望之等復進，以爲且復見毀讒，必曰嘗有過之，臣不宜復用。是大不然。臣聞春秋地震，爲在位執政太盛也，不爲三獨夫動。亦已明。

百工奇賞 卷之六

十一

矣。且往者高皇帝時，季布有辜，王於夷滅後赦以爲將軍。高后孝文之聞，卒爲名臣。武帝時，見寬有重辜，繫按道侯韓說諫曰：「前吾丘壽王死，陛下至今恨之。今殺寬後，將復大恨矣。」上感其言，遂貫寬復用之位。至御史大夫御史大夫未有及寬者也。又董仲舒坐私爲災異書，主父偃取奏之下吏罪，至不道，幸蒙不誅，復爲太中大夫。膠西相以老病免歸漢，有所欲興，常有詔問仲舒爲世儒宗，定議有益天下。孝宣皇帝時，夏侯勝坐誹謗繫獄，三年免爲庶人。宣帝復用勝，至長信少府。太子太傅名敢，直言天下美之，若乃

群臣多此比類難一二記有過之臣亡負國家有益天下此四臣者足以觀矣前弘恭奏望之等獄決二月地大震恭移病出後復視事天陰雨雪由是言之地動殆爲恭等臣愚以爲宜退恭顯以章蔽善之罰進望之等以通賢者之路如此太平之門開災異之原塞矣

何武請建三公官奏

臣

古者民樸事約國之輔佐必得賢聖然猶則天三光備三公官各有分職今末俗之弊政事煩多宰相之材不能及古而丞相獨兼三公之事所以久廢而不治也宜建三公官定卿大夫之任分職受政以考功如

古文奇賞 卷之六

十二

杜業錄功臣後奏

管唐以萬國致時雍之政虞夏以之多羣后饗共巳之治湯法三聖殷氏太平周封八百重譯來賀是以內恕之君樂繼絕世隆名之主安立亡國至於不及卜車德念深矣成王察牧野之克顧羣后之勤知其恩結於民心功光于王府也故追述先父之志錄遺老之策高其位大其禹愛敬飭盡命賜備厚大孝之隆於是爲至及其役也世主歎其功亡民而不思所

息之樹且猶不伐况其廟乎是以燕齊之祀與周並
傳子繼弟及歷載不墮豈不刑辟繇祖之竭力故支
庶賴焉迹漢功臣亦皆剖符世爵受山河之誓存以
著其號以顯其竟賞亦不細矣百餘年間而襲封
者盡或絕失姓或乏無主朽骨孤於墓苗裔流於道
生爲愍諒或爲轉尸以往况今甚可悲傷聖朝憐閔
詔求其後四方忻靡不歸心出入數年而不省察
恐議者不思大義設言虛以則厚德掩息遶東布章
非所以視化勸後也三人爲衆雖難盡繼宜從尤功

陳湯上初陵封事

古文奇賞

卷之六

十三

初陵京師之地最爲肥美可立一縣天下民不徙諸
陵三十餘歲矣關東富人益衆多規良田役使貧民
可徙初陵以彊京師衰弱諸侯又使中家以下得均
貧富湯願與妻子家屬徙初陵爲天下先

蕭育薦馮野王封事

野王行能高妙內足與圖身外足以慮化竊惜野王
懷國之寶而不得陪朝廷與朝者並野王前以王舅
出以賢復入明國家樂進賢也

何武薦辛慶忌封事

虞有宮之奇晉獻不寐衛青在位淮南寢謀故賢人

立朝折衝。厥難勝於凶形。司馬法曰：天下雖安，忘戰必危。夫將不豫，設則凶。以應卒士，不素厲則難使。疾敵是以先帝建列將之官，近戚主內，異姓距外，故奸軌不得萌動，而破滅誠萬世之長冊也。光祿勳慶忌行義修正，柔毅敦厚，謀慮深遠，前在邊郡，數破敵獲虜。外夷莫不聞，乃者大異並見，未有其應，加以兵革久寢，春秋大災未至，而豫禦之慶忌宜在爪牙官，以備不虞。

何武論傳喜書

喜行義修潔忠誠，憂國內輔之臣也。今以寢病一旦

百文奇賞 卷之六

蘇得生氣

遣歸衆庶失望。昔曰傅氏賢子，以論議不合於定陶太后，故退百寮莫不為國恨之。忠臣社稷之衛，魯以季友治亂，楚以子玉輕重，魏以無忌折衝，項以范增存亡，故楚跨有南土，帶甲百萬，鄰國不以為難。子玉為將，則文公側席而坐，及其死也，君臣相慶百萬之衆，不如一賢。故秦行千金以間廉頗，漢散萬金以疏亞父，喜立於朝，陛下之光輝，傅氏之廢興也。免喜策君輔政

出入三年未有昭然匡朕不逮而本朝大臣遂其如奸而咎由君焉

未博復置御史大夫奏

帝王之道不必相襲，各繇時務。高皇帝以聖德受命

建立鴻業置御史大夫位次丞相典正法度以職相
參總領百官上下相監臨歷載二百年天下安寧今
更爲大司空與丞相同位未獲嘉佑故事選郡國守
相高第爲中二千石選中二千石爲御史大夫任職
者爲丞相位次有序所以尊聖德重國相也今中二
千石未更御史大夫而爲丞相權輕非所以重國政
也臣愚以爲大司空官可罷復置御史大夫遵奉舊
制臣願盡力以御史大夫爲百揆率

孔光舉尚書令成公敞奏

臣以朽材前比歷位典大職卒尺寸之效幸免罪

古文奇賞

卷之六

十五

誅全保首領今復校擢備內朝臣與聞政事臣光智
謀淺短犬馬齒載誠恐一旦顛仆以報稱竊見國
家故事尚書以久次轉遷非有踔絕之能不相踰越
尚書僕射敞公正勤職通敏於事可尚書令謹封上
西漢郡守相之文

張敞請勅長吏奏

臣

竊見丞相請與中二千石博士雜問郡縣上計長吏
守丞爲民興利除害成大化條其對有耕者讓畔男
女異路道不拾遺及舉孝子弟弟貞婦者爲一輩先
上殿舉而不知其人數者次之不爲條教者在後叩

讀敞請奏
及階再出
矣故其意
高如此

丞相何處
縣門

頭謝丞相雖口不言而心欲其爲之也長吏守丞對
時臣敞舍有鸚雀飛上丞相府屋上丞相以下見者
數百人邊吏多知鸚雀者問之昏陽不知丞相圖議
上奏曰臣聞上計長吏守丞以典化條皇天報下神
雀後知從臣敞舍來乃止郡國吏竊笑丞相仁厚有
知略微信奇怪也昔汲黯爲淮陽守辭去之官謂夫
行李息曰御史大夫張湯懷詐阿意以傾朝廷公不
蚤自與俱受戮矣息畏湯終不敢言後湯誅敗上聞
黯與息語乃抵息罪而秩黯諸侯相取其思竭忠也
臣敞非敢毀丞相也誠恐羣臣莫白而長吏守丞畏

古文奇賞

卷之六

六

丞相指歸舍法令各爲私教務相增加澆淳散樸並
行僞貌有名亾實傾搖解怠甚者爲妖假令京師先
行讓畔異路道不拾遺其實亾益廉貪貞淫之行而
以僞先天下固未可也卽諸侯先行之僞聲軼於京
師非細事也漢家承敞通變造起律令卽以勸善禁
奸條貫詳備不可復加宜令睿臣明飭長吏守丞歸
告二千石舉三老孝弟力田孝廉廉吏務得其人郡
事皆以義法令檢式母得擅爲條教敢挾詐僞以奸
名譽者必先受戮以正明好惡

豫章太守廖奏

舜封象於有鼻。成不爲置。後以爲暴亂之人。不宜爲太祖。海昏宸賀。成上當爲後者。子充國充國。成復土弟奉親奉親。復成是天絕之也。陛下聖仁於賀甚厚。雖舜於象。以加也。宜以禮絕賀。以奉天意。願下有司議。

王尊告安定屬縣教

成

令長丞尉奉法守城。爲民父母。抑彊扶弱。宣恩廣澤。甚勞苦矣。太守以今日至府。願諸君卿勉力正身。以率下。故行貪鄙能變更者。與爲治明慎。所職母以身試法。河平元年詔曰。大辟之刑。手有餘條。於以羅元元之民。天絕也。辜豈不哀哉。宣恩廣澤。以是爲

首 百文奇賞

卷之六

一七

王尊勅椽功曹教

各自底。屬助太守爲治。其不中用。趣自避退。毋久妨賢。夫羽翻不修。則不可以致千里。闕內不理。以整外府。丞悉署吏。行能分別。白之賢。爲上母。以富賈人。百萬不足。與計事。昔孔子治魯。七日誅少正卯。今太守視事。已一月矣。五官椽張輔。懷虎狼之心。貪汗不軌。一郡之錢。盡入輔家。然適足以葬矣。今將輔送獄。直符史詣閣下。從太守受其事。丞戒之。戒之相隨入獄矣。

薛宣上成帝疏

陛下至德仁厚哀閔元元躬有日昃之勞而臣佚豫之樂允執聖道刑罰惟中然而嘉氣尚凝陰陽不和是臣下未稱而聖化獨有不洽者也臣竊伏思其一端殆吏多苛政政教煩碎大率咎在部刺史或不循守條職舉錯各以其意多與郡縣事至開私門聽讒佞以求吏民過失譴呵及細微責義不量力郡縣相迫促亦內相刻流至衆庶是故鄉黨闕於嘉賓之懼九族忘其親親之恩飲食周急之厚彌衰送往勞來之禮不行夫人道不通則陰陽否隔和氣不興未必

古文奇賞

卷之六

八

不由此也詩云民之失德乾餱以愆鄙語曰苛政不親煩皆傷恩方刺史奏事皆宜申明申勅使昭然知本朝之要務臣愚不知治道唯明主察焉鴻嘉四年詔關東流冗者衆青幽冀部尤劇朕甚痛焉未聞在位有惻然者陽朔二年詔先帝邵農薄其租稅寵其強力令與孝弟同科其令二千石勉勸農桑出入阡陌致勞來之

薛宣與楊湛書

吏民條言君如牒或議以爲疑於主守盜馮翊敬重令又念十金法重不忍相暴章故密以手書相曉欲君自圖進退可復伸眉於後卽以其事復封還記得爲君分明之

薛宣移檄陽令謝游書

吏民言令治行煩苛。適罰作使。千人以上。賊取錢財。數十萬。給爲非法。賣質聽任。富吏賈數不可知。證驗以明白。欲遣吏考按。恐負舉者。耻辱儒士。故使掾平鑄。令孔子曰。陳力就列。不能者止。令詳思之。方調守。

薛宣勞勉薛恭尹賞書

昔孟公綽優於趙魏。而不宜滕。薛故或以德顯。或以功舉。君子之道。馬可誣也。屬縣各有賢君。馮翊垂拱。蒙成願勉。所職卒業。

薛宣移池陽令書

古文奇賞

卷之六

十九

縣所舉廉吏。獄掾王立。家私受賕而立。不知殺身。以自明。立誠廉士。甚可閔惜。其以府決曹。祿書立之。極以顯其竟。

薛宣下賊曹掾張扶教

蓋禮貴和。人道尚通。日至吏以令休。所繇來久。昔雖有公職事。家亦望私恩意。掾宜從衆歸。對妻子設酒肴。請鄉里一笑相樂。斯亦可矣。

陳咸移郡長吏書

卽各欲求索。自快。是一郡百太守也。何得然哉。

朱博請復刺史奏

哀

漢家至德溥大宇內萬里立置郡縣部刺史奉使典州督察罷國吏民安寧故事居部九歲舉爲守相其有異才功効著者輒登擢秩卑而賞厚咸勸功樂進前丞相方進奏罷刺史更置州牧秩準二千石位次九卿九卿缺以高第補其中材則苟自守而已恐功效陵夷奸軌不禁臣請罷州牧置刺史如故

王嘉薦公孫兪等疏

臣聞聖王之功在於得人孔子曰材難不其然與故繼世立諸侯象賢也雖不能盡賢天子爲擇臣立命卿以輔之居是國也累世尊重然後士民之衆附焉

古文奇賞 卷之六

二

是以教化行而治功立今之郡守重於古諸侯往者致選賢材賢材難得拔擢可用者或起於囚徒昔魏尚坐事繫文帝感馮唐之言遣使持節赦其罪拜爲雲中太守匈奴忌之武帝擢韓安國於徒中拜爲梁內史骨肉以安張敞爲京兆尹有鼻當免黠吏知而犯敞敞收殺之其家自寃使者覆獄劾敞賊殺人上逮捕不下會免亡命數十日宣帝徵敞拜爲冀州刺史卒獲其用前世非私此三人貪其材器有益於公家也孝文時吏居官者或長子孫以官爲氏倉氏庫氏則倉庫吏之後也其二千石長吏亦安官樂職然

澗野省忍
是從急對

後上下相望莫有苟且之意其後稍稍變易公卿以下傳相促急又數改更政事司隸部刺史察過悉劾發揚陰私吏或居官數月而退送故迎新交錯道路中材苟容求全下材懷危內顧壹切營私者多二千石益輕賤吏民慢易之或持其微過增加成罪言於刺史司隸或至上書章下衆庶知其易危小失意則有離畔之心前山陽亾徒蘓令等縱橫吏士臨難莫肯伏節歿義以守相威權素奪也孝成皇帝悔之下詔書二千石不爲縱遣使者賜金尉厚其意誠以爲國家有急取辦于二千石二千石尊重難危乃能使

古文奇賞 卷之六

下孝宣皇帝愛其良民更有章劾事留中會赦壹解故事尚書希下章爲煩擾百姓證驗繫治或歿獄中章文必有敢告之字乃下惟陛下留神於擇賢記善忌過容忍臣子勿責以備二千石部刺史三輔縣令有才任職者人情不能不有過差宜可闕略令盡力者有所勸此方今急務國家之利也前蘇令發欲遣大夫使逐問狀皆見大夫亾可使者召蓋屋令尹逢拜爲諫大夫遣之今諸大夫有材能者甚少宜豫畜養可成就者則士赴難不愛其死事事倉卒乃求非所以明朝廷也

西漢彈駁之文

張釋之論嗇夫

文

夫、絳、侯、東、陽、侯、稱、為、長、者、此、兩、人、言、事、曾、不、能、出、口、
豈、數、此、嗇、夫、謀、謀、利、口、捷、給、哉、且、秦、以、任、刀、筆、之、吏、
吏、爭、以、亟、疾、苛、察、相、高、然、其、敝、徒、文、具、耳、無、測、隱、之、
實、以、故、不、聞、其、過、陵、遲、而、至、於、二、世、天、下、土、崩、今、陛、
下、以、嗇、夫、口、辯、而、超、遷、之、臣、恐、天、下、隨、風、靡、靡、爭、為、
口、辯、而、亾、其、實、且、下、之、化、上、疾、於、景、響、舉、錯、不、可、不、
審、也。

袁盎抑絳侯

古文奇賞

卷之六

二十一

絳、侯、所、謂、功、臣、非、社、稷、臣、社、稷、臣、主、在、與、在、主、亾、與、
亾、方、呂、后、肯、諸、呂、用、事、擅、相、王、劉、氏、不、絕、如、帶、是、肯、
絳、侯、為、太、尉、本、兵、柄、弗、能、正、呂、后、崩、大、臣、相、與、誅、諸、
呂、太、尉、主、兵、適、會、其、成、功、所、謂、功、臣、非、社、稷、臣、丞、相、
如、有、驕、主、色、陛、下、謙、讓、臣、主、失、禮、竊、為、陛、下、弗、取、也。

袁盎規文帝

臣、聞、千、金、之、子、坐、不、垂、堂、百、金、之、子、不、騎、衡、聖、主、不、
乘、危、而、徼、幸、今、陛、下、騁、六、駢、馳、下、峻、山、如、有、馬、驚、車、
敗、陛、下、縱、自、輕、奈、高、廟、太、后、何、

西漢文以
質而勝

因超選一
嗇夫而退
詩公秦之
夫直知大

丞相翟劭劾錯奏

文

吳王及逆亡道欲危宗廟天下所當共誅今御史大夫錯議曰兵數百萬獨屬群臣不可信陛下不如自出臨兵使錯居守徐僮之旁吳所未下者可以予吳錯不稱陛下德信欲疏群臣百姓又欲以城邑予吳亡臣子禮大逆亡道錯當要斬父母妻子同產無少長皆棄市臣請論如法

吳王及逆亡道欲危宗廟天下所當共誅今御史大夫錯議曰兵數百萬獨屬群臣不可信陛下不如自出臨兵使錯居守徐僮之旁吳所未下者可以予吳錯不稱陛下德信欲疏群臣百姓又欲以城邑予吳亡臣子禮大逆亡道錯當要斬父母妻子同產無少長皆棄市臣請論如法

公孫弘上邪吏疏 武

陛下有先聖之位而亡先聖之民有先聖之民而亡先聖之吏是以執同而治異先世之吏正故其民篤今世之吏邪故其民薄政弊而不行令倦而不聽夫

古文奇賞 卷之六

使邪吏行弊政用倦令治薄民不可得而化此治之所以異也臣聞周公旦治天下期年而變三年而化五年而定唯陛下之所志

汲黯欲為中郎

臣自以為填溝壑不復見陛下不意陛下復收用之臣常有狗馬病力不能任郡事臣願為中郎出入禁闈補過拾遺臣之願也

汲黯諫太乙神馬歌

凡王者作樂上以承祖宗下以化兆民今陛下得馬詩以為歌協于宗廟先帝百姓豈能知其音

說丞相公孫弘曰
豈講諱聖制當族

汲黯責張湯

公為正卿上不能褒先帝之功業下不能抑天下之
邪心安國富民使囹圄空虛二者一焉非苦執行
放析就功何乃取高皇帝約束紛更之為公以此亾
種矣以天下謂刀筆吏不可以為公卿果然必湯也
令天下重足而立側目而視矣

汲黯諫妄誅

夫匈奴攻當路塞絕和親中國興兵誅之灰傷者不
可勝計而費以巨萬百數臣愚以為陛下得胡人皆

古文奇賞 卷之六

二十四

以為奴婢以賜從軍切直明快死事者家所鹵獲因予之以謝
天下之苦塞百姓之心今縱不能渾邪率數萬之眾
來降虛府庫賞賜發良民侍養譬若奉驕子愚民安
知市買長安中物而文吏繩以為闡出財物於邊關
乎陛下縱不能得匈奴之資以謝天下又以微文殺
亾知者五百餘人是所謂庇其葉而傷其枝者也臣
竊為陛下不取也

汲黯使李息論張湯

黯棄居郡不得與朝廷議也然御史大夫張湯智足
以拒諫詐足以飾非務巧佞之語辯數之辭非守正

廷議之匪
如此

興事是小人第一着

此談言微中也嚴切人耳

為天下言專阿主意主意所不欲因而毀之主意所欲因而譽之好興事舞文法內懷詐以御王心外挾賊吏以為威重公列九卿不蚤言之公與之俱受其僂矣

武安諧魏其

天下幸而安樂無事蚡得為肺腑所好音樂狗馬田宅蚡所愛倡優巧匠之屬不如魏其灌夫日夜招聚天下豪傑壯士與論議腹腩而心諂不仰視天而俯畫地辟倪兩宮間幸天下有變而欲有大功臣乃不如魏其等所為

古文奇賞 卷之不

司馬相如諫獵書

臣聞物有同類而殊能者故力稱烏獲提言慶忌勇期賁育臣之愚竊以為人誠有之獸亦宜然今陛下好陵阻險射猛獸卒然遇軼材之獸駭不存之地犯屬車之清塵輿不及還轅人不暇施巧雖有烏獲逢蒙之伎力不得用枯木朽株盡為難矣是胡越起於轂下而羌夷接軫也豈不殆哉雖萬全無患然本非天子之所宜近也且夫清道而後行中路而後馳猶昔有銜檄之變而况涉乎蓬蒿馳乎丘墳前有利獸之樂而內無存變之意其為禍也不亦難矣夫輕重

乘之重不以爲安而樂出於萬有一危之塗以爲娛
臣竊爲陛下不取也。蓋明者遠見於未萌而智者避
危於亾形禍固多藏於隱微而發於人之所忽者也。
故鄙諺曰：家累千金坐不垂堂。此言雖小可以喻大。
臣願陛下之留意幸察。

魏相上霍氏封事

宣

春秋譏世卿。惡宋三世爲大夫。及魯季孫之專權。皆
危亂國家。自後元以來。祿去王室。政繇冢宰。今光
子復爲大將軍。兄子秉樞機。昆弟諸督據權。執在兵
官。光夫人顯及諸女皆通籍長信宮。或夜詔門出入。
驕奢放縱。恐寢不制。宜有以損奪其權。破散陰謀。以
固萬世之基。全功臣之世。

張敞言霍氏封事

臣聞公子季友有功於魯。大夫趙衰有功於晉。大夫
田完有功於齊。皆疇其官邑。延及子孫。終後田氏篡
齊。趙氏分晉。季氏顛魯。故仲尼作春秋。迹盛衰。識世
禍最甚。乃者大將軍決大計。安宗廟。定天下。功亦不
細矣。夫周公七年耳。而大將軍二十歲。海內之命。斷
於掌握。方其隆。肯感動天地。侵迫陰陽。月朧日蝕。晝
冥宵光。地大震裂。火生地中。天文失度。祇祥變怪。不

漢朝白發
賜於全安

不令明留

官觀至古

賦

可勝記。皆陰類盛長。臣下顓制之所生也。朝臣竄有
明言曰。陛下褒寵故大將軍以報功德足矣。聞費輔
臣顓政貴戚太盛。君臣之分不明。請罷霍氏三族。皆
就第。及衛將軍張安世。宜賜几杖歸休。時存問。召見
以列侯爲天子師。明詔以恩不聽。羣臣以議因爭而
後許。天下必以陛下爲不忘功德。而朝臣爲知禮。霍
氏世世臣所患。苦今朝廷不聞直聲。而令明詔自親
其文非策之得者也。今兩侯以由人情不相遠。以臣
心度之。大司馬及其枝屬必有畏懼之心。夫近臣自
危。非完計也。臣敞願於廣朝自發其端。直守遠郡。其

古文奇賞

卷之六

二十七

路。由夫心之精微。口不能言也。言之微眇。書不能
文也。故伊尹五就桀。五就湯。蕭相國薦淮陰。累歲乃
得通。况乎千里之外。因書文論事。指哉唯陛下省察。

蕭望之駁耿壽昌奏

故御史屬徐官家可、極在東萊。言往年加海租魚。不出長
老。皆言武帝肯縣官嘗自瀛海魚。不出後復予民魚。
乃出。夫陰陽之感物類相應。萬事盡然。今壽昌欲近
糴漕關內之穀。築倉治船費。直二萬萬餘。有動衆之
功。恐生旱氣。民被其災。壽昌習于商功分銖之事。其
派計遠慮誠未足任宜。且如故。

諸葛豐謝上書

元

臣豐駭怯文不足以勸善。武不足以執邪。陛下不量臣能否。拜為司隸校尉。未有以自效。復秩臣為光祿大夫。官尊責重。非臣所當處也。又迫年歲。衰暮常恐卒填溝渠。臣以報厚德。使議論士譏臣。臣補長獲素餐之名。故常願捐一旦之命。不待昔而斷。奸臣之首。縣於都市。編書其罪。使四方明知為惡之罰。然後却就斧鉞之誅。誠臣所甘心也。夫以布衣之士。尚猶有刎頸之交。今以四海之大。曾臣伏節。歿誼之臣。率盡苟合取容。阿黨相為。念私門之利。忘國家之政。邪穢

古文奇賞

卷之六

二十八

濁。濁之氣上感于天。是以災變數見。百姓困乏。此臣下不忠之效也。臣誠耻之。臣已凡人。情莫不欲安存。而惡危亡。然忠臣直士。不避患者。誠為君也。今陛下天覆地載。物不不容。使尚書令堯賜。臣豐書曰。夫司隸者。刺舉不法。善善惡惡。非得顯之也。勉處中和。順經術意。恩深德厚。臣豐頓首。幸甚。臣竊不勝憤懣。願賜清宴。唯陛下裁幸。

永光元年免豐詔不內省諸臣而反怨堪獨以求報舉告

事無證之詞暴揚難驗之罪毀譽恣意不顧前言

石顯治楊興賈捐之奏

興捐之懷詐偽。以上語相風。更相薦譽。欲得大位。漏

洩省中語。用上不道。書曰。讒說殄行。震驚朕師。王制順非而澤。不聽而誅。請論如法。捐之薦楊典。其於曾顏閔仲舒廣漢汲直。冠軍尹翁歸等甚可。姻鄙宜受此彈。

薛廣德諫獵書

竊見關東困極。人民流離。陛下日撞。亾秦之鐘。聽鄭衛之樂。臣誠悼之。今士卒暴露。從官勞倦。願陛下亟反宮。思與百姓同憂樂。天下幸甚。

貢禹言風俗書

孝文皇帝。尚貴廉潔。賤貪污。質人贅壻。及吏坐賊者。皆禁錮。不得爲吏。賞善罰惡。不阿親戚。罪白者伏其

誅疑者。以與民亾贖。臯之法。故令行禁止。海內大化。天下斷獄四百。與刑錯。亾異武帝。始臨天下。尊賢用士。闢地廣境。數千里。自見功大。威行。遂從者。欲用度不足。乃行一切之變。使犯法者贖罪。入穀者補吏。是以天下奢侈。官亂民貧。盜賊並起。亾命者衆。郡國恐狄其誅。則擇便巧史書。習於計簿。能欺上府者。以爲右職。奸軌不勝。則取勇猛。能操切百姓者。以苛暴威服下者。使居大位。故亾義而有財者。顯於世。欺謾而善書者。尊於朝。詩逆而勇猛者。貴於官。故俗皆曰。何以孝弟爲財。多而光榮。何以禮義爲史書。而亾宦。何以

以謹慎爲勇。猛而臨官。故黥剔而髡。鉗者猶復攘臂。爲政於世。行雖夫彘。家富執足。日指氣使。是爲賢耳。故謂居官而置富者爲雄桀。處奸而得利者爲壯士。見勸其弟。父勉其子。俗之壞敗。乃至於是。察其所以然者。皆以犯法得贖。擧求士不得。真賢相守。崇財利。誅不行之所致也。今欲興至治。致太平。宜除贖罪之法。相守。選舉不以實。及有臧者。輒行其誅。但免官。則爭盡力爲善。貴孝弟。賤賈人。進真賢。實廉。而天下治矣。孔子匹夫之人耳。以樂道正身。不解之。故四海之內。天下之君。微孔子之言。亾所折中。况乎以漢地。

百文奇賞 卷之六

三

之廣陛下之德。處南面之尊。秉萬乘之權。因天地之助。其於變世易俗。調和陰陽。陶冶萬物。化正天下。易於決流。抑隊自成。康以來幾且千歲。欲爲治者甚衆。然而太平不復興者。何也。以其合法度。而任私意。奢侈行而仁義廢也。陛下誠深念高祖之苦。醇法太宗之治。選賢以自輔。開進忠正。致誅姦臣。遠放調佞。放出園陵之女。罷倡樂。絕鄭聲。去甲乙之帳。退僞薄之物。修節儉之化。驅天下之民。皆歸於農。如此不解。則三王可侔。五帝可及。唯陛下留意省察。天下幸甚。

劉向極諫外家封事

臣聞人君莫不欲安然而常危莫不欲存然而常凶失御臣之術也夫大臣操權柄持國政未有不爲害者也昔晉有六卿齊有田崔衛有孫甯魯有季孟常掌國事世執朝柄終後田氏取齊六卿分晉崔杼弑其君光孫林父甯殖出其君衍弑其君剽季氏八佾舞於庭三家者以雍徹並專國政卒逐昭公周大夫尹氏筦朝事濁亂王室子朝子猛更立連年乃定故經曰王室亂又曰尹氏殺王子克甚之也春秋舉成敗錄禍福如此類甚衆皆陰盛而陽微下失臣道之所致也故書曰臣之有作威作福害于而家凶于而

國孔子曰祿去公室政逮大夫危亾之兆秦昭王舅穰侯及涇陽葉陽君專國擅執上假太后之威三人者權重於昭王家富於秦國國甚危殆賴寤范雎之言而秦復存二世委任趙高專權自恣壅蔽大臣終有閭樂望夷之禍秦遂以亾近事不遠卽漢所代也漢興諸呂無道擅相尊主呂產呂祿席太后之寵據將相之位兼南北軍之衆擁梁趙王之尊驕盈亾厭欲危劉氏賴忠正大臣絳侯朱虛侯等竭誠盡節以誅滅之然後劉氏復安今王氏一姓乘朱輪華轂者

三十三人青紫貂蟬充盈帳內魚鱗左右大將軍秉

事用權五矣。驕奢僭盛，竝作威福，擊斷自恣，行汗而寄治身私，而託公依東宮之尊，假甥舅之親，以爲威重。尚書九卿、州牧、郡守，皆出其門，筦執樞機，芻蕘比周。稱譽者登進，忤恨者誅傷。游談者助之說，執政者爲之言排。擯宗室，孤弱公族，其有智能者，尤非毀而不進。遠絕宗室之任，不令得給事朝省，恐其與已分權。數稱燕王蓋主，以疑上心。避諱呂霍，而弗肯稱。內有管蔡之萌，外假周公之論。兄弟據重，宗族駁互。歷上古至秦漢，外戚僭貴，未有如王氏者也。雖周皇甫秦穰侯、漢武安呂霍上官之屬，皆不及也。物盛必有

古文奇賞 卷之六

非常之變，先見爲其人徵象。孝昭帝嘗冠石立於泰山，什柳起於上林，而孝宣帝卽位，今王氏先祖墳墓在濟南者，其梓柱生枝葉，扶疏上出，屋根垂地。中立石起，柳亾以過此之明也。事執不兩大，王氏興，劉氏亦且不竝立。如下有泰山之安，則上有累卵之危。陛下爲人子，孫守持宗廟，而令國祚移於外戚，降爲卑隸，縱不爲身，奈宗廟何？婦人內夫家，外父母家，此亦非皇太后之福也。孝宣皇帝不與舅平昌樂昌侯權，所以全安之也。夫明者起福於亾形，銷患於未然。宜發明詔，吐德音，援近宗室親而納信黜遠外戚，母

授以政皆罷令就第以則效先帝之所行厚安外戚
全其宗族誠東宮之意外家之福也王氏永存保其
爵祿劉氏長安不失社稷所以褒睦外內之姓子子
孫孫無疆之計也如不行此策田氏復見於今六卿
必起於漢爲後嗣憂昭昭甚明不可不深圖不可不
蚤慮易曰君不密則失臣臣不密則失身幾事不密
則害成唯陛下深留聖思審固幾密覽往事之戒以
折中取信居萬安之實用保宗廟又承皇太后天下
幸甚

梅福書方今見布衣乃窺國家之隙見間而起
者蜀郡是也及山陽亡徒蘓令之牽蹈籍名都
大郡求黨與索隨和而亡逃匿之意此皆輕量大臣
無所畏忌國家之權輕故匹夫欲與上爭衡也又曰
古文奇賞 卷之六 三十三

王尊劾丞相匡衡等奏

陽朔以來天下以言爲諱朝廷尤甚又曰王章非有
反畔之辜而殃及家又曰漢興以來社稷三危呂霍
上官皆母后之家也
親親之道全之爲右

丞相衡御史大夫譚位三公典五常九德以總方略
一統類廣教化美風俗爲職知中書謁者令顯等專
權擅執大作威福縱恣不制亡所畏忌爲海內患害
不以肯白奏行罰而阿諛曲從附下罔上懷邪迷國
亡大臣輔政之義皆不道在赦令前赦後衡譚舉奏
顯不自陳不忠之辜而反揚著先帝任用傾覆之徒
妄言百官畏之甚於主上卑君尊臣非所宜稱火大

臣體又正月行幸曲臺臨饗罷衛士衛與中二千石
大鴻臚賞等會坐殿門下。衡南鄉賞等西鄉。衡更爲
賞布東鄉。席起立延賞坐。私語如食。頃衡知行臨百
官共職萬衆會聚而設不正之席。使下坐上相比。爲
小惠於公門之下。動不中禮。亂朝廷爵秩之位。衡又
使官大奴入殿中問行起居。還言漏上十四刻。行臨
到衡安坐不變色。改容。亡怵惕肅敬之心。驕慢不謹
皆不敬。

京房計行考功事

中書令石顯尚書令五鹿君相與合同巧佞之人也

古文奇賞 卷之六

三四

事縣官十餘年。又丞相韋侯皆久亡補於民。可謂亡
功矣。此尤不欲行考功者也。淮陽王卽朝見勸上行
考功事。善不然。但言丞相中書令任事久而不治。可
休丞相。以御史大夫鄭弘代之。遷中書令。置他官以
鈎盾令。徐立代之。如此。房考功事得施行矣。

譙玄諫專寵書

臣聞王者承天繼宗。統極保業。延祚莫急。胤嗣故易
有幹蠱之義。詩詠衆多之福。今陛下聖嗣未立。天下
屬望而不唯社稷之計。專念微臣之事。愛幸用于所
感。曲意留于非正。竊聞后官皇子產而不育。臣聞之

但然痛心傷剝竊懷憂國不忌須臾夫警衛不修則
患生非常忽有醉酒狂夫分爭道路既亾尊嚴之儀
豈識上下之別此爲胡狄起于轂下而賊亂發于左
右也願陛下念天下之至重愛金玉之身均九女之
施存亾窮之福幸甚幸甚

谷永諫徵行疏

易稱得臣無家言王者臣天下無私家也今陛下棄
萬乘之至貴樂家人之賤事厭高美之尊稱好匹夫
之卑字崇聚粟輕亾諠之人以爲私客置私田於民
間畜私奴車馬於北宮數去南面之尊離深宮之固

古文奇賞 卷之六

二五

挺身獨與小人晨夜相隨烏集醉飽吏民之家亂服
共坐溷肴亾別閔勉遯樂晝夜在路典門戶奉宿衛
之臣執干戈守空宮公卿百寮不知陛下所在積數
年矣昔號公爲亾道有神降曰賜爾土田言將以庶
人受土田也諸侯夢得土田爲失國祥而况王者畜
私田財物爲庶人之事乎後上災異疏三上封事然
後得召待詔一旬然後得
見夫由疏賤納至忠甚苦由至尊聞天意甚難又曰
白氣起東方賤人將與之表也黃濁冒京師王道微
絕之應也夫賤人當起
而京師道微二者已醜

梅福論王氏書

臣聞箕子佯狂於殷而爲周陳洪範叔孫通遁秦歸

漢制作儀品夫叔孫先非不忠也箕子非疏其家而
畔其親也不可爲言也昔高祖納善若不及從諫若
轉圜聽言不求其能舉功不考其素陳平起於亡命
而爲謀主韓信拔於行陳而建上將故天下之士雲
合歸漢爭進奇異知者竭其策愚者盡其慮勇士極
其節怯夫勉其效合天下之知并天下之威是以舉
秦如鴻毛取楚若拾遺此高祖所以亡敵於天下也
孝文皇帝起於代谷非有周召之師伊呂之佐也循
高祖之法加以恭儉當此之昔天下幾平繇是言之
循高祖之法則治不循則亂何者秦爲亡道削仲尼

之迹滅周公之軌壞井田除五等禮廢樂崩王道不
通故欲行王道者莫能致其功也孝武皇帝好忠諫
說至言出爵不待廉茂慶賜不須顯功是以天下布
衣各厲志竭精以赴闕廷自衒鬻者不可勝數漢家
得賢於此爲盛使孝武皇帝聽用其計升平可致於
是積尸暴骨快心胡越故淮南王安緣間而起所以
計慮不成而謀議泄者以衆賢聚於本朝故其大臣
執陵不敢和從也方今布衣乃窺國家之隙見間而
起者蜀郡是也及山陽亡徒蘧令之羣蹈籍名都大
郡求黨與索隨和而亡逃匿之意此皆輕量大臣亡

所畏忌。國家之權輕。故匹夫欲與上爭衡也。士者國之重器。得士則重。失士則輕。詩云：濟濟多士，文王以寧。廟堂之議，非草茅所當言也。臣誠恐身塗野草，尸并卒伍，故數上書求見，輒報罷。臣聞齊桓之時，有以九九見者，桓公不逆，欲以致大也。今臣所言，非特九九也。陛下距臣者三矣。此天下士所以不至也。昔秦武王好力，任鄙叩關，自鬻繆公行，伯繇余歸德。今欲致天下之士，民有上書求見者，輒使請尚書問其所欲言，言可採取者，秩以升斗之祿，賜以一束之帛。若此，則天下之士發憤懣吐忠言，嘉謀日聞於上，天下條

古文奇賞 卷之六

貫國家表裏爛然可睹矣。夫以四海之廣，士民之數，能言之類，至衆多也。然其僑傑指世陳政，言成文章，質之先聖而不繆，施之當世合時務。若此者，亦匹幾人。故爵祿束帛者，天下之底石。高祖所以厲世磨鈍也。孔子曰：工欲善其事，必先利其器。至秦則不然，張誹謗之罔，以爲漢殿除倒，持泰阿授楚，其柄故誠能勿失其柄。天下雖有不順，莫敢觸其鋒。此孝武皇帝所以辟地建功爲漢世宗也。今不循伯者之道，廼欲以三代選舉之法，取當世之士，猶察伯樂之圖，求騏驥於市而不可得，亦已明矣。故高祖棄陳平之過而

獲其謀晉文召天王齊桓用其讐亾益於嘗不顧逆
順此所謂伯道者也一色成體謂之醇白黑雜合謂
之駁欲以承平之法治暴秦之緒猶以鄉飲酒之禮
理軍市也今陛下既不納天下之言又加戮焉夫戮
鵠遭害則仁鳥增逝愚者蒙戮則智士深退間者愚
民上疏多觸不急之法或下廷尉而厥者衆自陽朔
以來天下以言爲諱朝廷尤甚群臣皆承順上指莫
有執正何以明其然也取民所上書陛下之所善試
下之廷尉廷尉必曰非所宜言大不敬以此卜之一
矣故京兆尹王章資質忠直敢面引廷爭孝元皇帝

擢之以厲其臣而矯曲朝及至陛下戮及妻子且惡
惡止其身王章非有反畔之辜而殃及家折直臣之
節結諫臣之舌羣臣皆知其非然不敢爭天下以言
爲戒最國家之大患也願陛下循高祖之軌杜亾秦
之路數御十月之歌留意亾逸之戒除不急之法下
亾諱之詔博覽兼聽謀及疏賤令深者不隱遠者不
塞所謂辟四門明四目也且不急之法誹謫之徵者
也違者不可及來者猶可追方今君命犯而主威奪
外戚之權日以益隆陛下不見其形願察其景建始
以來日食地震以率言之三倍春秋水災亾與比數

孝元皇后
昭曰姊弟
專寵獨竊
執賊亂之
譏殘滅繼

嗣以危宗
廟諱天犯
祖蓋為無
人母之義
又廢紹曰
恩之所不
能已者義
之所到也
奉廢皇后
為成人記
與國

陰盛陽微金鐵為飛此何景也漢興以來社稷三危
呂霍上官皆母后之家也親親之道全之為右當與
之賢師良傅教以忠孝之道今乃尊寵其位授以魁
柄使之驕逆至於夷滅此失親親之大者也自霍光
之賢不能為子孫慮故權臣易世則危書曰毋若火
始庸庸執陵於君權隆於主然後防之亦及已
解光劫趙昭儀奏

哀

臣聞許美人及故中宮史曹宮皆御幸孝成皇帝產
子子隱不見臣遭從事掾業史望驗問知狀者掖庭
獄丞籍武故中黃門王舜吳恭靳嚴官婢曹曉道房

古文奇賞 卷之六

五九

張棄故趙昭儀御者于客子玉倫滅兼等皆曰言即
曉子女前屬中宮為學事史通誦授皇后房與宮對
食元延元年中宮譖房曰陛下幸宮後數月曉入殿
中見官腹大問宮宮曰御幸有身其十月中宮乳掖
庭牛官令舍有婢六人中黃門御容持詔記盛綠綈
方處封御史中丞誦予武曰取牛官令舍婦人新產
兒婢六人盡置暴室獄嬖閹兒男女誰兒也武迎置
獄官曰善滅我兒胞承知是何等兒也後三日容持
詔記與武問兒狀未手書翻牘背武即書對兒見在
未灰有頃客出曰上與昭儀長怒奈何不殺武叩頭

帝曰不殺見自知當死殺之亦死卽因客奏封事曰
陛下未有繼嗣子臣貴賤惟留意奏入客復持詔記
予武曰今夜漏上五刻持兒與舜會東交掖門武因
問客陛下得武書意何如曰慳也武以兒付舜舜受
詔內見殿中爲擇乳母告善養見且有賞毋令漏泄
舜擇棄爲乳母時兒生八九日後三日客待持詔記
封如前予武中有封小綠篋記曰告武以篋中物書
予獄中婦人武自臨飲之武發篋中有裹藥二枚赫
曬書曰告偉能努力飲此藥不可復入女自知之偉
能卽宮官讀書已曰果也欲姊弟擅天下我兒男也

言文奇賞

卷之六

早

額上有壯髮類孝元皇帝今兒安在危殺之矣奈何
令長信得聞之宮飲藥死後宮婢六人召入出語武
曰昭儀言女無過寧自殺邪若外家也我曹言願自
殺卽自縊灰武皆表奏狀棄所養兒十一日宮長李
南以詔書取兒去不知所置許美人前在上林涿沐
館數召入飾室中若舍一歲再三召置數月或半歲
御幸元延二年襄子其十一月乳詔使嚴持乳醫及
五種和藥丸三送美人所後客子倫兼聞昭儀詔成
帝曰常給我言從中宮來卽從中宮來許美人見何
從生中許氏竟當復立邪懟以手自擣以頭擊壁戶

敘事有史

班不及處

此大手筆

班

桂從床上自投地啼泣。不肯食。曰：「今當安置我欲歸耳。」帝曰：「今故告之，反怒爲殊，不可曉也。」帝亦不食。昭儀曰：「陛下自知是不食，謂何陛下常自言約不負女。」今美人有子，竟負約，謂何？帝曰：「約以趙氏故，不立許氏，使天下亾出趙氏上者，勞憂也。」後詔使嚴持綠囊書，予許美人。告嚴曰：「美人當有以予女受來。」置飾室中。簾南美人以葦篋一合盛所生兒，緘封及綠囊報書。予嚴嚴持篋書，置飾室簾南去。帝與昭儀坐使客。子解篋，緘未已，帝使客子偏兼皆出自閉戶，獨與昭儀在。須臾，開戶，嚀客子偏兼使緘封篋及綠綈方底。

推置屏風東，恭受詔持篋方底，予武皆封以御史中丞印。曰：「告武，篋中有灰兒埋屏處，勿令人知。」武穿獄樓垣下爲坎埋其中。故長定許貴人及故成都平阿侯家婢王業任嬪，公孫習前免爲庶人，詔召入屬昭儀爲私婢。成帝崩，未幸梓宮，倉卒悲哀之時，昭儀自和罪惡大知業等故。許氏王氏婢恐事泄而以大婢羊子等賜子業等各百十人，以慰其意。屬亾道我家過失。元延二年五月，故掖庭令吾丘遵謂武曰：「掖庭丞吏以下皆與昭儀合通，亾可與語者，獨欲與武有所言。」我亾子武有子，是家輕族人，得無不敢乎掖庭。

中御幸生子者輒歿。又飲藥傷墮者。屢欲與武共
言之。大臣票騎將軍貪者。錢不足計事。奈何。令長信
得聞之。遵後病困。謂武。今我已歿。前所語事。武獨不
能爲也。慎語皆在。今年四月丙辰。赦令前臣謹案。永
光三年。男子忠等。發長陵。傳夫人冢事。更大赦。孝元
皇帝下詔曰。此朕不當所得。赦也。窮治盡伏辜。天下
以爲當。魯巖公夫人殺世子。齊桓召而誅焉。春秋予
之。趙昭儀傾亂聖朝。親滅繼嗣。家屬當伏天誅。前平
安剛侯夫人。謁坐大逆。同產當坐。以蒙赦令。歸故郡。
今昭儀所犯。尤許逆。罪重於謁。而同產親屬皆在尊
貴之位。迫近帷幄。羣下寒心。非所以懲惡崇誼。示四
方也。請事窮竟。丞相以下議正法。

解光劾王根王况奏

曲陽侯根宗重身尊三世據權五世秉政天下輻輳
自效根行貪邪賊累鉅萬縱橫恣意大治室第第中
土山立兩市殿上赤墀戶青瑣遊觀射獵使奴從者
被甲持弓弩陳爲步兵止宿離宮水衡共張發民治
道百姓苦其役內懷奸邪欲撓朝政推親近吏主簿
張業以爲尚書蔽上壅下內塞王路外交藩臣驕奢
僭上壞亂制度按根骨肉至親社稷大臣先帝棄天

下根不悲哀思慕山陵未成公聘取故掖庭女樂五
官殷嚴王飛君等置酒歌舞捐忘先帝厚恩背臣子
義及根兄子成都侯况幸得以外親繼父爲列侯侍
中不思報厚恩亦聘取故掖庭貴人以爲妻皆亾人
臣禮大不敬不道

楊宣言王氏封事

孝成皇帝深惟宗廟之重稱述陛下至德以承天序
聖策深遠恩德至厚惟念先帝之意豈不欲以陛下
自代奉承東宮哉太皇太后春秋七十數更憂傷勅
令親屬引領以避丁傅行道之人爲之隕涕况於陛
下時登高遠望獨不慙於延陵乎

古文音賞 卷之六

四三

杜業言王氏書

王氏世權日夕朝亾骨鯁之臣宗室諸侯微弱與繫
囚亾案公獨立自佐史以上至於夫吏皆權臣之黨曲陽侯
根前爲三公輔政知趙昭儀殺皇子不輒白奏反與
趙氏比周恣意妄行譖愬故許后被加以非罪誅破
諸許族賂元帝外家內媼媼同產兄姊紅陽侯立及
淳于氏皆老被放棄新喋血京師威權可畏高陽侯
薛宣有不養母之名安昌侯張禹姦人之雄威風朝
廷使先帝負說於海內尤不可不慎陛下初卽位謙

嚴得凄凄
懼懼

讓未遑。孤獨特立。莫可據伏。權臣易世。意若探湯。宜蚤以義割恩。安百姓心。竊見朱博忠信勇猛。材略不世出。誠國家雄俊之寶臣也。宜徵博置左右。以填天下。此人在朝。則陛下可高枕而臥矣。昔諸呂欲危劉氏。賴有高祖遺臣周勃陳平尚存。不者。幾爲奸臣笑。褒莽詔。憂勞國家。批義堅固。真可哀也。

御史中丞衆等劾薛况奏

况朝臣。父故宰相。再封列侯。不相敕丞佐。而骨肉相疑。疑咸受修言。以譴毀宣。咸所言皆宣行迹。衆人所共見。公家所宜聞。况知咸給事中。恐爲司隸舉奏。宣

古文青賞

卷之六

四

而公令明等迫切宮闕。要遮創發。近臣於大道人衆中。欲以鬲塞聰明。杜絕論議之端。桀黜亡所畏忌。萬衆謹諱。流聞四方。不與凡民忿怒爭鬪者同。臣聞敬近臣爲近主也。禮下公門。式路馬。君畜產。且猶敬之。春秋之義。意惡功遂。不免於誅。上浸之源。不可長也。况首爲惡。明手傷功。意俱惡。皆大不敬。明當以重論及况皆棄市。

劉歆移讓太常博士書

昔唐虞旣衰。而三代迭興。聖帝明王。累越相襲。其道甚著。周室旣微。而禮樂不。正道之難全也。如此是故

孔子憂道之不行歷國應聘自衛反魯然後樂正雅
頌乃得其所修易序書制作春秋以紀帝王之道及
夫子沒而微言絕七十子終而大義乖重遭戰國棄
籩豆之禮理軍旅之陳孔子之道抑而孫吳之術興
陵夷至於暴秦燔經書殺儒士設挾書之法行是古
之罪道備由是遂滅漢興去聖帝明王遐遠仲尼之
道又絕法度亾所因襲豈獨有一叔孫通略定禮儀
天下惟有易何、不、言、陸、項下未有他書何、不、言、賈、誼至孝惠之世乃除挾書之
律然公卿大臣絳灌之屬咸介胄武夫莫以為意至
孝文皇帝始使掌故鼂錯從伏生受尚書尚書初出

古文奇賞 卷之六

聖

於屋壁朽折散絕今其書見在時師傳讀而已詩如
萌芽天下衆書往往頗出皆諸子傳說猶廣立於學
官為置博士在漢朝之儒唯賈生而已至孝武皇帝
然後鄒魯梁趙頗有詩禮春秋先師皆起於建元之
間當此之昔一人不能獨盡其經或為雅或為頌相
合而成秦誓後得博士集而讀之故詔書稱曰禮壞
樂崩書缺簡脫朕甚閔焉肯漢興已七八十年雖於
全經固已遠矣及魯恭王壞孔子宅欲以為宮而得
古文於壞壁之中逸禮有三十九書十六篇天漢之
後孔安國獻之遭巫蠱倉卒之難未及施行及春秋

左氏丘明所修皆古文舊書多者二十餘通藏於祕
府伏而未發孝成皇帝閱學殘文缺稍離其真乃陳
發祕藏校理舊文得此三事以考學官所傳經或脫
簡傳或間編傳問民間則有魯國柏公趙國貫公膠
東庸生之遺學與此同抑而未施此乃有識者之所
惜閔士君子之所嗟痛也往者綴學之士不思廢絕
之闕苟因陋就寡分文析字頰言碎辭學者罷老且
不能究其一藝信口說而背傳記是末師而非往古
至於國家將有大事若立辟雍封禪巡狩之儀則幽
冥而莫知其原猶欲保殘守缺挾恐見破之私意而

臣從善服義之公心或懷妬嫉不考情實雷同相從
隨聲是非抑此三學以尚書爲備謂左氏爲不傳春
秋豈不哀哉今聖上德通神明繼統揚業亦閱文學
錯亂學士若茲雖昭其情猶依違謙讓樂與士君子
同之故下明詔試左氏可立不遣近臣奉旨御命將
以輔弼扶微與二三君子比意同力冀得廢遺今則
不然深閉固距而不肯試猥以不誦絕之欲以杜塞
餘道絕滅微學夫可與樂成難與慮始此廼衆庶之
所爲耳非所望士君子也且此數家之事皆先帝所
親論今上所考視其古文舊書皆有徵驗外內相應

豈苟而已哉夫禮失求之於莖古文不備愈於莖乎
往者博士書有歐陽春秋公羊易則施孟然孝宣皇
帝猶廣立穀梁春秋梁丘易大小夏侯尚書義雖相
反猶並置之何則與其過而廢之也寧過而立之傳
曰文武之道未墜於地在人賢者識其大者不賢者
識其小者今此數家之言所以兼包大小之義豈可
偏絕哉若必專已守殘黨同門妬道真違明詔失聖
意以陷於文吏之議甚爲二三君子不取也

息夫躬詆公卿大臣疏

方今丞相王嘉健而畜縮不可用御史大夫賈延壘

古文奇賞

卷之六

五七

世以來
教之者不

弱不任職左將軍公孫祿司隸鮑宣皆外有直項之
名內實駸不曉政事諸曹以下僕馭不足敷卒有疆
弩圍城長戟指闕陛下誰與備之如使狂夫噪諱於
東崖匈奴飲馬於渭水邊境雷動四野風起京師雖
有武彘精兵未有能窺左足而先應者也軍書交馳
而輻輳羽檄重跡而狎至小夫悞臣之徒憤眊不知
所爲其有犬馬之決者仰藥而伏刃雖加夷滅之誅
何益禍敗之至哉

毋將隆請收武庫兵奏

武庫兵器天下公用國家武備繕治造作皆度大司

免。隆。詔。以。隆。前。有。安。國。之。言。左。遷。爲。沛。國。都。尉。

農錢大司農錢自乘輿不以給共養共養勞賜壹出少府蓋不以本臧給未用以民力共浮費別公私示正路也古者諸侯方伯得顯征伐廼賜斧鉞漢家邊吏職在距寇亦賜武庫兵皆任其事然後蒙之春秋之誼家不藏甲所以抑臣威損私力也今賢等便僻弄臣私恩微妾而以天下公用給其私門契國威器共其家備民力分於弄臣武兵設於微妾建立非宜以廣驕僭非所以示四方也孔子曰奚取於三家之堂臣請收還武庫

鮑宣諫哀帝書

下文奇賞

卷之六

甲八

竊見孝成皇帝時外親持權人人牽引所私以充塞朝廷妨賢人路濁亂天下奢泰亾度窮困百姓是以日食且十彗星四起危亾之徵陛下所親見也今奈何反覆劇於前乎朝臣亾有大儒骨鯁白首耆艾魁壘之士論議通古今喟然動衆心憂國如飢渴者臣未見也敦外親小童及幸臣董賢等在公門省戶下陛下欲與此共承天地安海內甚難今世俗謂不智者爲能謂智者爲不能昔堯放四罪而天下服今除一吏而衆皆惑古刑人尚服今賞人反惑請寄爲姦羣小日進國家空虛用度不足民流亾去城郭盜賊

並起吏爲殘賊。歲增於前。凡民有七。一。陰陽不和水。早爲災。一。二。縣官重責更賦租稅。二。三。也。貪吏並公受取。不巳。三。四。也。豪强大姓蠶食。四。五。也。苛吏繇役失農桑時。五。六。也。苛落鼓鳴。男女遮避。六。七。也。盜賊劫略。取民財物。七。八。也。七。九。也。尚。可。又有七。十。也。酷吏毆殺。一。十一。也。治獄深刻。二。十二。也。冤陷。十三。也。辜三。死也。盜賊橫發。四。十四。也。怨讐相殘。五。十五。也。歲惡。飢餓。六。十六。也。皆氣疾疫。七。十七。也。民有七。十八。而亡。一。得。欲望國安誠難。民有七。十九。而亡。一生。欲望刑措誠難。此非公卿守相貪殘成化之所致。邪羣臣幸得居尊官。食重

祿豈有肯加。惻隱於細民。助陛下流教化者。邪志但在營私家。稱賓客爲奸利而已。以苟容曲從爲賢。以拱默尸祿爲智。謂如臣宣等爲愚。陛下擢臣巖穴。誠冀有益毫毛。豈徒欲使臣美食大官。重高門之地哉。天下乃皇天之天下也。陛下上爲皇天子。下爲黎庶。父母爲天。牧養元元。親之當如一。合戶鳩之詩。今貧民菜食不厭衣。又穿空。父子夫婦不能相保。誠可爲酸鼻。陛下不救將安所歸。命乎。奈何。獨私養外親與幸臣。董賢多賞賜。以鉅萬數。使奴從賓客。漿酒霍肉。蒼頭廬見。皆用致富。非天意也。及汝昌侯傅商。亡功

而對夫官爵非陛下之官爵。乃天下之官爵也。陛下取非其官官非其人而望天說民服。豈不難哉。方陽侯孫寵宜陵侯息夫躬辯足以移衆彊可用獨立奸人之雄惑世尤劇者也。宜以昔罷退及外親幼童未通經術者皆宜令休就師傅急徵故大司馬傅喜使領外親故大司空何武師丹故丞相孔光故左將軍彭宣經皆更博士位皆歷三公智謀威信可與建教化圖安危。龔勝爲司直郡國皆慎選舉。三輔委輸官不敢爲奸。可大委任也。陛下前以小不忍退武等海內失望陛下尚能容意三誤功德者甚衆曾不能忍武等

邪治天下者當用天下之心爲心不得自專快意而已也。上之皇天見譴下之黎庶怨恨次有諫爭之臣陛下苟欲自薄而厚惡臣天下猶不聽也。臣雖愚戇獨不知多受祿賜美食大官廣田宅厚妻子不與惡人結仇怨以安身邪誠迫大義官以諫爭爲職不敢不竭愚惟陛下少留神明覽五經之文原聖人之至意深思天地之戒臣宣納鈍於辭不勝惓惓盡死節而已

鮑宣論董賢書

陛下父事天母事地子養黎民即位已來父虧明母

丙侍案
以賢發竟
此詔書也
又肅大司
馬大將軍
天下之衆
受制於朕
以將爲命
以兵爲威
可不慎歟

震動子訖言相驚恐今日蝕於三始誠可畏懼小民
正月朔日尚恐毀敗器物何況於日虧乎陛下深內
自責避正殿舉直言求過失罷退外親及旁久素餐
之人徵拜孔光爲光祿大夫發覺孫寵息夫躬過惡
免官遣就國衆庶歛然莫不說喜天人同心人心說
則天意解矣乃二月丙戌白虹蜺日連陰不雨此天
有憂結未解民有怨望未塞者也侍中駙馬都尉董
賢本亾葭莩之親但以冷色諛言自進賞賜亾度竭
盡府藏并合三第尚以爲小復壞暴室賢父子坐使
天子使者將作治第行夜吏卒皆得賞賜上冢有會

百文奇賞

卷之六

五十一

輒大官爲供海內貢獻當養一君今反盡之賢家豈
天意與民意邪天不可久負厚之如此反所以害之
也誠欲哀賢宜爲謝過天地解讐海內免遣就國收
乘輿器物還之縣官如此可以父子終其性命不者
海內之所仇未有得久安者也孫寗息夫躬不空居
國可皆免以視天下復徵何武師屠彭宣傳喜曠然
使民易視以應天心建立大政以興太平之端高門
去省戶數十步求見出入二年未省欲使海瀕仄陋
自通遠矣願賜數刻之間極竭髦髦之思退入三泉
死無所恨

王嘉上董賢封事

竊見董賢等三人始賜爵衆庶匈匈咸曰賢貴其餘
并蒙恩至今流言未解陛下仁恩於賢等不已宜暴
賢等本奏語言延問公卿大夫博士議郎考合古今
明正其義然後乃加爵土不然恐大失衆心海內引
頌而議暴平其事必有言當封者在陛下所從天下
雖不說咎有所分不獨在陛下前定陵疾淳于長初
封其事亦議大司農谷永以長當封衆人歸咎於永
先帝不獨蒙其譏臣嘉臣延材駑不稱死有餘責知
順指不迂可得容身須臾所以不敢者恩報厚恩也

古文音賞

卷之六

五三

王嘉論董賢封事

臣聞咎繇戒帝舜曰凶敖佚欲有國兢兢業業一日
二日萬幾箕子戒武王曰臣凶有作威作福凶有玉
食臣之有作威作福玉食害于而家凶于而國人用
側頗辟民用僭愚言如此則逆尊卑之序亂陰陽之
統而害及王者其國極危國人傾仄不正民用僭差
不壹此君不由法度上下失序之敗也武王躬履此
道隆至成康自是以後縱心恣欲法度陵遲至懿臣
弑君子弑父子至親失禮患生何况異姓之臣孔
子曰道千乘之國敬事而信節用而愛人使民以時

孝文皇帝備行此道。海內蒙恩，爲漢太宗。孝宣皇帝賞罰信明，施與有節。記人之功，忽於小過，以致治平。孝元皇帝奉承大業，溫恭少欲，都內錢四十萬萬，水衡錢二十五萬萬，少府錢十八萬萬。昔幸上林，後宮馮貴人從，臨獸園，猛獸驚出，貴人前當之。元帝嘉美其義，賜錢五萬掖庭，見親有加，賞賜屬其人，勿衆謝。示平惡，偏重失人心，賞賜節約，是昔外戚費千萬者少耳。故少府水衡見錢多也。雖遭初元永光凶年，飢饉加有西羌之變，外奉師旅，內振貧民，終亾傾危之憂，以府藏內充實也。孝成皇帝時，諫臣多言燕出之

害及女寵，專愛耽於酒色，損德傷年，其言甚切。然終不怨怒也。寵臣淳于長、張放、史育，育數貶退，家貲不滿千萬，放斥逐就國，長擄死於獄，不以私愛害公義。故雖多內譏，朝廷安平，傳業陛下陛下在國之時，好詩書上儉節，徵來所過道上，稱誦德美，此天下所以回心也。初卽位，易帷帳，去錦繡，乘輿席緣，綈繒而已。共王寢廟，比比當作憂閔。元元惟用度不足，以義割恩，輒且止息。今始作治，而駙馬都尉董賢亦起官寺，上林中又爲賢治大第，開門鄉甘闕，引玉渠灌園池。使者護作，賞賜吏卒甚於治宗廟賢母病，長安厨給

通惡東方
所諫上林
死比此何
如

祠具道中過者皆飲食爲賢治器器成奏御迺行或
物好特賜其工自貢獻宗廟三宮猶不至此賢家有
賓婚及見親諸官並共賜及舍頭奴婢人十萬錢使
者護視發取市物百賈震動道路謹譚羣臣惶惑詔
書罷苑而以賜賢二千餘頃均田之制從此墮壞奢
僭放縱變亂陰陽災異衆多百姓詭言持籌相驚被
髮徒跣而走乘馬者馳天惑其意不能自止或以爲
籌者策失之戒也陛下素仁智慎事今而有此大譏
孔子曰危而不持顛而不扶則將安用彼相矣臣嘉
幸得備位竊內悲傷不能通愚忠之信身歿有益於

古文奇賞

卷之六

五四

國不敢自惜唯陛下慎已之所獨鄉察衆人之所共
疑遣者寵臣鄧通韓嫣驕貴失度逸豫亾厥小人不
勝情欲卒陷臯辜亂國亾軀不終其祿所謂愛之適
足以害之者也。空深覽前世以節賢寵全安其命。

鄧輝請王莽歸漢神器書

臣

臣聞天地重其人惜其物故運機衡垂日月含元包
一甄陶品類顯表紀世圖錄豫設漢歷久長孔爲赤
制不使愚惑殘人亂時智者順以成德愚者逆以取
害神器有命不可虛獲上天垂戒欲悟陛下令就臣
位轉禍爲福劉氏享天永命陛下順節盛衰取之以

天還之以天。可謂知命矣。若不早圖。是不免于竊位也。且堯舜不以天顯自與。故禪天下。陛下何貪非天顯。以自累也。天爲陛下嚴父。臣爲陛下孝子。父教不可廢。子諫不可拒。惟陛下留神。

陳崇劾陳遵奏

遵兄弟幸得蒙恩超等歷位。遵爵列侯。備郡守。級州牧。奉使皆以舉。直察枉宜。揚聖化爲軾。不正身自慎。始遵初除乘藩車入閭巷。過寡婦左阿君。置酒訶誣。遵起舞跳梁頓仆坐。上暮因留宿爲侍婢。扶臥遵知飲酒。飮宴有節。禮不入寡婦之門。而湛酒。涵肴。亂男

古文奇賞 卷之六

五五

女之別。輕辱爵位。羞汗印。報惡不可忍。聞臣請免。

石慶乞骸骨書

慶幸得侍臯丞相。罷駑。以輔治城郭。倉庫空虛。民多流亾。臯當伏斧質。上不忍。致法。願歸丞相。侯印。乞骸骨歸避賢者路。

彭宣乞骸上書

平

三公。禹足承君一足不任。則覆亂。美實臣資性淺薄。年齒老耗。數伏疾病。昏亂遺忘。願上大司空。長平侯。

印綬。乞骸骨歸鄉里。峻。寘溝壑。夙冊紛紛而賜孔光。靈壽杖令黃門坐置。

幾入省中用杖賜餐十七物錄公孫
弘后詔則言內自克約而外從制

馬宮巡位上書

臣前議定陶共王母謚希指雷同詭經僻說以惑誤
主土為臣不忠幸蒙酒心自新誠亡顏復望闕庭亡
心復居官附匹宜復食國邑願上太師大司徒扶德
侯甲綬避賢者路免孔光策君前為御史大夫輔翼
先帝出入八年卒無患言嘉謀今
相朕出入二年愛國之風復無
聞焉然則安得不踰跡以去
西漢理財之文

鼂錯論貴粟書

園

聖王在上而民不凍飢者非能耕而食之織而衣之

古文賞 卷之六

五六

也為開其資財之道也故堯禹有九年之水湯有七
年之旱而國亡捐瘠者以畜積多而備先具也今海
內為一土地人民之衆不減湯禹加以凶天災數年
之水旱而畜積未及者何也地有餘利民有餘力生
穀之土未盡墾山澤之利未盡出也游食之民未盡
歸農也民貧則奸邪生貧生於不足不足生於不農
不農則不地著不地著則離鄉輕家民如鳥獸雖有
高城深池嚴法重刑猶不能禁也夫寒之於衣不待
輕煖飢之於食不待甘旨飢寒至身不顧廉嗚人情
一旦不再食則飢終歲不製衣則寒夫腹飢不得食

飢寒三卷
得得第

至虛重粟
得此一振

慮寒不得衣。雖慈母不能保其子。君安能以有其民。哉。明主知其然也。故務民於農桑。薄賦歛。廣畜積。以實倉廩。備水旱。故民可得而有也。民者在上。所以牧之。趨利如水走下。四方以擇也。夫珠玉金銀。飢不可食。寒不可衣。然而眾貴之者。以上用之故也。其為物輕微易藏。在於把握。可以周海內。而亡飢寒之患。此令臣輕背其主。而民易去其鄉。盜賊有所勸。亡逃者得輕資也。粟米布帛。生於地。長於野。聚於力。非可一日成也。數石之重。中人非勝。不為奸邪所利。一日弗得。而飢寒至。是故明君貴五穀而賤金玉。今農夫五

古文奇賞 卷之六

將農夫瘡
說一過又
以而商賈
三字度下
似收似提
似開似頓

口之家。其服役者不下二人。其能耕者不過百畝。百畝之收。不過百石。春耕夏耘。秋穫冬藏。伐薪樵。治官府。給絲役。春不得避風塵。夏不得避暑熱。秋不得避陰雨。冬不得避寒凍。四時之間。亡日休息。又私自送往迎來。弔死問疾。養孤長幼。在其中。勤苦如此。尚復被水旱之災。急政暴虐。賦歛不嘗。朝令而暮改。當其有者。半賣而賣。亡者取倍稱之息。於是。有賣田宅鬻子孫。以償債者矣。而商賈大者。積財倍息。小者坐列販賣。操其奇贏。日游都市。乘上之急。所賣必倍。故其男不耕。女不蠶。織衣必文采。食必粱肉。亡農夫之

貴陰虛也

苦有阡陌之得。因其富厚。交通王侯。力過吏執。以刑相傾。千里游敖。冠蓋相望。乘堅策肥。履絲曳縞。此商人所以兼并。農人所以流亡者也。今法律賤商人。商人已富貴矣。尊農夫。農夫已貧賤矣。故俗之所貴。主之所賤也。吏之所卑。法之所尊也。上下相反。好惡乖迕。而欲國富法立。不可得也。方今之務。莫若使民務農而已矣。欲民務農。在於貴粟。貴粟之道。在於使民以粟爲賞罰。今募天下入粟縣官。得以拜爵。得以除臯。如此。富人有爵。農人有錢。粟有所滯。夫能入粟以受爵。皆有餘者也。取於有餘。以供上用。則貧民

之賦。可損。所謂損有餘。補不足。令出而民利者也。順於民心。所補者三。一曰。主用足。二曰。民賦少。三曰。勸農功。今令民有車騎馬一匹者。復卒三人。車騎者。天下武備也。故爲復卒。神農之教。曰。有石城十仞。湯池百步。帶甲百萬。而亡粟。弗能守也。以是觀之。粟者。王者大用。政之本務。令民入粟受爵。至五大夫以上。廼復一人耳。此其與騎馬之功。相去遠矣。爵者。上之所擅。出於口。而亡窮。粟者。民之所種。生於地。而不乏。夫得高爵。與免臯人之所甚欲也。使天下人入粟於邊。以受爵。免罪。不過三歲。塞下之粟必多矣。

坐四商賈
亦在於此
不收而放

蠲錯入粟免租奏

陛下幸使天下入粟塞下以拜爵甚大惠也竊恐塞卒之食不足用大漂天下粟邊食足以支五歲可令入粟郡縣矣足支一歲以上可省赦勿收農民租如此德澤加於萬民民愈勤農昔有軍役若遭水旱民不困乏天下安寧歲孰且美則民大富樂矣

汲黯矯詔發倉還報奏

武

家人失火屋比延燒不足憂臣過河內河內貧人傷水旱萬餘家或父子相食臣謹以便宜持節發河內倉粟以賑貧民請歸節伏矯制辜

古文奇賞 卷之六

五十九

魏相條國家便宜奏

宣

臣聞明主在上賢輔在下則君安虞而民和睦臣相幸得備位不能奉明法廣教化理四方以宣聖德民○此○真○和○輔○之○職○多背本趨末○條○傾○宜○以○此○或有飢寒之色為陛下之憂臣相辜當萬歎臣相知能淺薄不明國家大體皆用之宜惟民

終始未得所繇竊伏觀先帝聖德仁恩之厚勤勞天下垂意黎庶憂水患之災為民貧窮發倉廩振乏餒遣諫大夫博士巡行天下察風俗舉賢良平寃獄冠蓋交道省諸用寬租賦弛山澤陂池禁秣馬酤酒貯積所以周急繼困慰安元元便利百姓之道甚備臣

漢制歸社

相月令

百明王謹

於尊天旗

於養人又

曰天子之

義必純取

於天地而

觀於先聖

相不能悉陳昧厥奏故事詔書凡二十三事臣謹案
王法必本於農而務積聚量入制用以備凶災
年之畜尚謂之急元鼎三年平原勃海太山東郡溥
被災害民飢歎於道路二千石不豫慮其難使至於
此賴明詔振捩乃得蒙更生今歲不登穀暴騰踴臨
秋收歛猶有乏者至春恐甚以相恤西羗未平師
旅在外兵革相乘臣竊寒心宜密圖其備唯陛下留
神元元帥繇先帝盛德以撫海內

貢禹言錢幣書 元

古者不以金錢為幣專意於農故一夫不耕必有受

古文奇賞 卷之六

本

其飢者今漢家鑄錢及諸鐵官皆置吏卒徒攻山取
銅鐵一歲功十萬人已上中農食七人是七十萬人
常受其飢也鑿地數百丈銷陰氣之精地藏空虛不
能含氣出雲斬伐林木必有皆禁水旱之災未必不
繇此也自五銖錢起以來七十餘年民坐盜鑄錢被
刑者衆富人積錢滿室猶不足厭足民心動搖商賈求
利東西南北各用智巧好衣食歲有十二之利而
不出稅租農夫父子暴露中野不避寒暑榨草肥土
手足胼胝已奉穀租又出棗稅鄉部私求不可勝供
故民弃本逐末耕者不能半貧民雖賜之田猶賤賣

以賈窮則起爲盜賊何者未利深而惑於錢也是以如邪不可禁其原皆起於錢也疾其末者絕其本宜罷采珠玉金銀鑄錢之官臣復以爲幣市井勿得販賣除其租銖之律租稅祿賜皆以布帛及穀使百姓壹歸於農復古通便

貢禹言賦筭書

八

古民臣賦筭口錢起武帝征伐四夷重賦於民民產子三歲則出口錢故民重困至於生子輒殺甚可悲痛宜令兒七歲去齒乃出口錢年二十乃算上節儉

廉官作工各數千人蜀廢漢主金銀器各用五百萬三工官官費五千萬東西織室亦然廐馬食粟將萬

古文奇賞

卷之六

六十一

西東宮杯案盡文畫金銀飾又曰諸菱園女臣子者宜悉遣獨杜陵宮人數百誠可哀憐也昔昔言至乞骸骨疏臣有田百三十畝陛下徵臣賣田百畝以供車馬臣清惟恐人不知太汲汲乎

師丹建言井田議

八

古之聖王莫不設井田然後治乃可乎孝文皇帝承臣周亂秦兵革之後天下空虛故務勸農桑帥以節儉民始充實未有并兼之害故不爲民田及奴婢爲限今累世承平豪富吏民訾數鉅萬而貧弱愈困蓋君子爲政貴因循而重改作然所以存臣將以救急也亦未可詳矣略爲限

古文奇賞卷之六

終



07209

